



**KENYATAAN / SIARAN AKHBAR**  
Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
Tel: 03-8887 7033 Faks: 03-8881 1008

## TERJUNAN BASE SEMPENA JUBLI PERAK PUTRAJAYA

**PUTRAJAYA, 29 OGOS 2020** – Seramai enam (6) penerjun melakukan aksi terjunan BASE di program Terjunan BASE dan Kibaran Bendera Sempena Ulang Tahun ke 25 Putrajaya dan sambutan Hari Kebangsaan ke-63 bertempat di Jambatan Gantung Monorel Putrajaya, Presint 4.

Turut serta Presiden Perbadanan Putrajaya (PPj), YBhg Datuk Dr. Aminuddin Bin Hassim menyaksikan aksi terjunan dan menyempurnakan acara dengan menerima bendera Malaysia dan Jubli Perak Putrajaya daripada para penerjun.

Buat kali kedua diadakan di Putrajaya pada tahun ini, penganjuran acara ini bertujuan bagi menzahirkan semangat dan rasa cinta kepada negara Malaysia dan bandar Putrajaya. Selain itu, secara tidak langsung dapat mempromosi Putrajaya sebagai destinasi pelancongan serta bandar mesra sukan dan seterusnya sebagai hab sukan ekstrem.

Perkataan BASE membawa maksud *building* (bangunan), *antenna* (antena), *span* (jambatan) dan *earth* (tebing tinggi) di mana terjunan dilakukan daripada objek tidak bergerak.

Majlis turut menyaksikan penyerahan sijil pengiktirafan kepada 5 orang penerjun BASE yang telah melengkapkan ke semua 4 disiplin terjunan yang telah diluluskan oleh United States Base Association (USBA).

Keterangan lanjut berhubung Acara Terjunan BASE dan Kibaran Bendera Sempena Ulang Tahun ke 25 Putrajaya dan sambutan Hari Kebangsaan ke-63, sila hubungi Pegawai Media PPj, Encik Mohd Fairus Bin Mohd Padzil ditalian 03-88877347 / 019-3354346 dan Encik Mohamad Fitri Bin Norsalim ditalian 03-88877258 / 011-10688347.

**(TENGGU AINA BINTI TENGGU ISMAIL SHAH)**

**Pengarah**

**Bahagian Komunikasi Korporat**

b.p. Presiden Perbadanan Putrajaya

Tarikh: 29 Ogos 2020